



SAKSPAPIR

Saksnr	Utval	Type	Dato
87/2020	Formannskap/plan- og økonomiutvalet	PS	01.12.2020
	Kommunestyret	PS	

Sakshandsamar	Arkiv	ArkivsakID
Åse Elin Myking		20/1680

INTERKOMMUNAL PLAN FOR SJØAREAL

Vedlegg:

Forprosjekt interkommunal plan for sjøareala i Nordhordland

Rådmannen sitt framlegg til vedtak:

1. Vaksdal kommune vedtar å slutte seg til å delta i interkommunalt plansamarbeid om sjøareala i Nordhordland, med forslag til organisering, som beskrive i forprosjektet «Interkommunal plan for sjøareala i Nordhordland» datert 05.06.2020.
2. Planmynde vert delegert i henhold til plan- og bygningsloven §§ 9-1, 9-2 og 9-3, til interkommunalt planutval for sjøareal i Nordhordland (IKPU). Dette utvalet vil då ha mynde til å varsle planoppstart, vedta planprogram og gjennomføre planprosessen frem til politisk behandling i kommunestyret i Vaksdal kommune.
3. Vaksdal kommunestyre vedtar at IKPU består av ein representant med vara frå kvar medverkande kommune.
4. Vaksdal kommune vel ordførar til medlem med varaordførar som varamedlem til IKPU. Utvalet konstituerer seg sjølv i første møte.

Formannskap/plan- og økonomiutvalet - Sak 87/2020

FPØ - Behandling:

Rådmannen sitt framlegg til vedtak vart samrøystes vedteke

FPØ - Tilråding/Vedtak:

1. Vaksdal kommune vedtar å slutte seg til å delta i interkommunalt plansamarbeid om sjøareala i Nordhordland, med forslag til organisering, som beskrive i forprosjektet «Interkommunal plan for sjøareala i Nordhordland» datert 05.06.2020.
2. Planmynde vert delegert i henhold til plan- og bygningsloven §§ 9-1, 9-2 og 9-3, til interkommunalt planutval for sjøareal i Nordhordland (IKPU). Dette utvalet vil då ha mynde til å varsle planoppstart,

vedta planprogram og gjennomføre planprosessen frem til politisk behandling i kommunestyret i Vaksdal kommune.

3. Vaksdal kommunestyre vedtar at IKPU består av ein representant med vara frå kvar medverkande kommune.
4. Vaksdal kommune vel ordførar til medlem med varaordførar som varamedlem til IKPU. Utvalet konstituerer seg sjølv i første møte.

Saksopplysningar:

I samband med deltaking i Regionrådet i Nordhordland er Vaksdal kommune førespurt om deltaking i interkommunal plan for sjøareal i Nordhordland. Fleire av kommunane er til liks med Vaksdal del av «Osterfjordbassenget». Planen vil ha status som kommunedelplan.

Saksutgreiinga er felles i kommunane. Framlegg til vedtak er likelydande i alle kommunane. Rådmann sine vurderingar er tatt inn til slutt under *vurdering og konklusjon*.

Samandrag/konklusjon (kort om saka)

Bakgrunn for saka

Det er mange ulike interesser knytt til bruken av sjøareala og det er behov for å sjå på forvaltninga på tvers av kommunegrensene. Regionrådet har difor starta arbeidet med ein interkommunal plan for sjøareala i Nordhordland.

I «Nasjonale forventningar til regional og kommunal planlegging 2019-2023» er det uttrykt at kommunane i større grad må sjå på forvaltninga av sjøareala på tvers av kommunegrensene. Desse forventningane har Fylkesmannen følgt opp ved å løyve midlar til dette prosjektet. Felles interkommunalt planarbeid med sjøareal er gjort andre stadar i landet, mellom anna i Troms, og ein har sett på korleis arbeidet der har vore organisert der.

Planen er å organisere dette som eit interkommunalt samarbeid slik plan og bygningslova gir heimel for i § 9. Dette er gjort med godt resultat i Troms, og forslaget er å følgje om lag same modell. Interkommunal plan for sjøareal består av enkeltplanar (frå kvar kommune som deltek), men det er gjort samla vurderingar.

Eit slikt samarbeid legg til grunn at deltakande kommunar delegerer planmynde til eit interkommunalt planutval (IKPU/planutvalet) med ein representant med vara per kommune. Jf. [§§ 9-2 og 9-3](#). Det interkommunale planutvalet får ansvar for planstart, utarbeida og fastsetja felles planprogram og plan. Planutvalet har vidare ansvar for offentleg ettersyn, merknadshandsaming og innstilling til dei respektive kommunestyra. I dei kommunane som har eige planutval er det naturleg at den som er leiar i planutvalet vert valt og at nestleiar vert vara.

Det endelege planvedtaket skal gjerast i kvar enkelt kommune, og berre for eige planområde. Det endelege produktet er mange enkeltplanar laga over same mal med ein samla vurdering og utgreiing. Kvar einskild kommune må ha planprosessar for sine areal som om det var ein eigen planprosess. IKPU har ansvaret for å sjå desse enkeltplanane i samanheng, og å syte for heilskapen i den regionale planen. I dialogen og høyring med næring og regionale mynde så vert det samordna av IKPU.

Erfaringar frå andre interkommunale prosjekt viser at denne modellen er mest effektivt med tanke på å leia

fram til ein endeleg plan. For å lukkast må det vere god lokal forankring. Det er lagt føringar for korleis rapporteringa frå representanten i IKPU skal rapportera til politisk nivå i eigen kommune.

Organisering er skildra nærare i prosjektplanen.

Tidsplan

Dei deltakande kommunane må først gjera vedtak om deltaking og utnemna medlemmar til interkommunalt planutval i løpet av tidleg haust 2020. Utarbeiding av planprogram kan gjerast i løpet av hausten 2020. Planprogrammet vert sendt på høyring 2020/2021 saman med melding av planoppstart.

Første del vil vera prega av arbeid med å få inn innspel frå innspelgrupper, næringsaktørar og innbyggjarane våre. Det er forventa at prosjektet kan presentere det som er kome inn av innspel i løpet av hausten 2021. Bearbeiding av innspel, konsekvensutgreiing og utforming av første forslag til plan vil prega første halvår av 2022. Det er forventa at første forslag til plan kan leggest ut på høyring hausten 2022, og at endeleg forslag til plan kan sendast kommunane i løpet av våren 2023.

Framdriftsplanen må lagast i detalj når IKPU er etablert.

Økonomi og ressursbruk

Prosjektet si finansiering vert eit spleiselag mellom kommunane og Fylkesmannen. Fylkesmannen har løyvd skjønnsmidlar til prosjektet og det er planlagt ein ny søknad i 2021 til fylkesmannen og det vil også bli vurdert å søkje midlar andre stader. Dersom søknadane ikkje slår til, er det rekna med ein direkte kostnad samla for alle kommunane på 3,2 mill. kr i løpet av 4 år.

Kommunane må delta aktivt i planprosessen med eigne tilsette og folkevalde. Det er lagt opp til at kommunane må bruka om lag ein 5-10 % stilling administrativt (ca. 300 timer over 2,5 år) og 3-4 % stilling av folkevalde (120 timer over 2,5 år). Kommunane sin eigenandel er bruk av eigne tilsette og folkevalde i planarbeidet.

Alle medlemskommunane i Regionrådet er tenkt å vera med i den interkommunale planen (Alver, Austrheim, Fedje, Gulen, Masfjorden, Modalen, Osterøy).

Formelt grunnlag

Plan og bygningslova

Vurdering og konsekvensar

Kommuneplanens arealplan vedtatt i 2019, er ein overordna plan for alt areal i kommunen. Vaksdal kommune har ikkje eigen kommundelplan for våre sjøareal. Interkommunalt planarbeid er eigna når det er førmålstenleg å samordne planlegginga over kommunegrensene. Fleire av kommunane er til liks med Vaksdal del av «Osterfjordbassenget». Vaksdal har sjøgrense til NH-kommunane Modalen, Osterøy og Alver. Det er mange ulike interesser knytt til bruken av sjøareala og det er behov for å sjå forvaltninga på tvers av kommunegrensene.

Vaksdal er del av biosfæreområde Nordhordland. Målet er å oppnå ein meir berekraftig balanse mellom å ta vare på biologisk mangfald og naturressursar, fremje økonomisk utvikling og sikra ei god samfunnsutvikling ved samarbeid mellom lokalbefolkninga, det offentlege, næringslivet og forskingsinstitusjonar.

I vassregionen og vassforvaltningsplanane er vi del av «Vassområde Voss – Osterfjorden» som dekker heile «Osterfjordbassenget».

Sjøareala våre er viktige for lokal utvikling, næringsliv, natur- og kulturmiljø, ferdsel, fiske, rekreasjon og trivsel med meir. Som laksefjord er den særskildt verdifull. I samband med veg- og baneutbygging (K5) er sjøareala aktuelle i den statlege planlegginga.

Rådmann ser fordelar med å slutte seg til det interkommunale planarbeidet. I ein felles fjord er det viktig at kommunane har forankring i ein felles plan. Ein interkommunal plan vil og kunne stå sterkare enn ein kommunal plan ved mange høve. Rådmann ser at deltaking i eit større planfagleg miljø kan ha positive gevinstar for vårt fagmiljø. I kommunal planstrategi er planarbeidet vurdert som aktuelt. Kommunen har sjølv avgrensa planressursar til å utarbeide eigen kommunedelplan for sjøareal. Økonomisk er interkommunalt planarbeid gunstig.

God lokal forankring vil vera nødvendig i planarbeidet. Loven fastslår at det skal vere same tal representantar frå kvar kommune, med mindre kommunane er einige om noko anna. I dei kommunane som ikkje har eit særskilt planutval, men formannskapet har den rolla er det naturleg at ordførar vert valt til interkommunalt planutval (IKPU) og varaordførar vert vara. Administrative ressursar deltek i arbeidsgruppa.

Den enkelte kommune står fritt i forhold til å vedta planen eller gjera endringar i planen innanfor sin eigen kommunegrense.

Rådmann rår til deltaking i det interkommunale planarbeid for sjøareal.